

陰符玄解自序

余昔丙子歲讀禮於清溪山中曾以是經叩請於嵩山先生曰此傳黃帝著又云春秋時朱子謂戰國見道之人所作今或曰爲養生或云王政兵法未知孰是請悉其詳先生曰此經者出世書也乃崆峒授受之文爲三教百家經書文字之鼻祖誠原始返終之大道發明人未生之前有生之後所以然盜奪之妙訣上乘之精微言簡而該義深行易首以明機察物繼以知動知時防尅防潰徹始徹終專以自然至靜爲功夫以觀天行健爲法則人有嚼破鐵饅頭之心志自能盡從無入有自有還無之玄要鍊至神化地步則虛空亦粉碎矣春秋戰國時書之說

道藏輯要

陰符玄解
自序

一 下斗集六
××××

固屬無據卽養生王政兵法之指殆亦乖訛皆姑置勿論耳余得自二五道人傳今以付汝幸爲寶之余拜受後詳讀參悟有得於心此經不過四百四十七字其言天地始終剛柔動靜之旨歸與易無二則釋氏之非空非色老氏之不有不無儒者之無極太極皆一以貫之也但其造語甚奇用字多險諸家註解臆度滋岐反晦真意每悵已學之少同未敢遽解今春余甥寶祥自蜀歸得紫陽洞自牧道人張清夜所註陰符發祕一冊余捧誦之下見祕訣同出一途不禁心暢神怡拍案稱快嗟乎道人居蜀素明南宮之術卻於內丹成道今著作流入吾手正君子居其室出其言善則千里之外應之之謂也然非吾甥之

入蜀何由得此遺編正道人示我以辨道之津梁惜已尸解而去不得面叩爲恨耳今檢其中祕密道人已流露於前則隱而未發之義余不得不解之於後成上下符合之佳話故將五賊三盜之用殺機奇器之祕並身體力行者解其奧妙寫其會心名曰玄解觀之者須具得象忘言得理忘象之慧眼方始圓通無碍也第此楮墨之發今付剗劂非畏人之曰是曰非祇恐不解訣者目爲誕妄之談轉污成聖登真之大道矣觀此者望其諒諸故爲序

大清乾隆壬辰仲夏月之望瀋陽一中子范宜賓書於執古軒之南廳

道藏輯要

陰符玄解
自序

二 下斗集六